

荊州府志目錄小序

學校志

造士必由興學識者瞻學校之脩明卜人才之蔚起豈 宣
聖在天之靈有私乎抑士民尊親思服之誠一念感通篤生
賢哲爲邦家光非僅科第之盛也粵匪之亂所過學宮鞠爲
茂草而荆郡倖全雖屬邑間被蹂躪近亦次第新之大難既
平 天子嘉惠士林凡郡邑之急公輸饟者視其數廣以弟
子員額真所謂學校如林焉每邑有學田師生膏火所從出
也有考棚應試者得所庇有書院肄業者樂其羣賓興之資
足以勵英俊義學之設足以救孤寒吾知荆郡人才之興正
未有艾已學校志第五

二百三十八

荊州府志卷之二十一

目錄序

一

學宮

師生員額

學田

賓興附

考棚

書院

義學附

荊州府志卷之二十一

學校志一

荊州府

學宮

府學在府治東南駐防界城內明初仍元故址建 國朝因之自

南齊蕭嶷刺荊州始立學南史豫章王嶷傳建元元年嶷為南

蠻校尉荆湘二州刺史二年夏於南蠻園東南開館立學按南蠻園

未詳所在上表言狀置生三十人取舊族父祖位正佐臺郎年二十

五以下十五以上補之置儒林參軍一人文學祭酒一人勸學

從事二人行釋菜禮是也至梁又立廟學南史安成王秀傳天

監七年秀遷荊州刺史立學校元帝紀太清元年帝都督荊州

四百八十八

荊州府志卷之二十一

學宮

起州學立宣尼廟置儒林參軍一人勸學從事二人生三十人

加廩餼自圖宣尼像為之贊而書之是也其所在俱未詳後梁

時國庠在城東潛宮故事梁張僧繇嘗於城東天皇寺柏堂內

圖孔子十哲像人皆莫知其旨及後周滅二教梁為附庸荆楚

寺宇莫不毀撤惟天皇寺有宣尼像遂為國庠是也隋初天下

州縣學俱廢大業以後復立唐武德七年詔諸州縣及鄉並置

學貞觀四年州縣皆立孔子廟開元二十六年令天下州縣里

皆置學五代高氏時學制無聞宋景祐四年詔藩鎮立學寶元

元年大郡亦立學文獻通考元豐元年詔置諸路府學官共五

十三員荆湖北路江陵府一員宋史徽宗紀大觀三年賜天下

州縣學藏書閣名稽古元大觀中養士至七百人學校之盛甲

於荆湖

見明統志

自唐至宋廟學所在亦無考元史廉希憲傳至元

十二年希憲行省荆南大興學選教官置經籍其地即今學也

按明統志作元順帝至正間建恐非是

後燬明洪武二年詔天下郡縣立學知府

周政即其址重創焉正統間知府劉永修嗣後知府李仁儀上

荆南道楊守禮相繼修成化中火二十年八月知府范英推官

俞祚教授陳經構大成殿塑先聖賢像列兩廡從祀先賢位又

南為戟門明倫堂在殿後東西四齋尊經閣在堂後

今廢又造祭

器庫庖湏號舍悉一新之建射圃於明倫堂之西偏

今俱廢見袁愷記

嘉靖間建敬一亭勒世宗御製敬一箴並范浚心箴程子視聽

言動四箴凡六碑貯亭內

今廢

四十五年趙賢知荆州修廟學萬

厯間修明倫堂建廟門外東西石坊二崇禎末學燬國朝順

治五年修戟門十年知府王業愔修建廟學拓大成殿闢東西

兩廡為間凡二十有四啟聖祠在殿東

雍正元年改稱崇聖祠

祠南有奎

文閣

舊名文昌閣

閣之西有文公祠

今廢

名宦祠在戟門左鄉賢祠在

右前為泮池駕橋其上又南為櫺星門週以紅牆更濬外泮池

康熙四年知府耿拱極修奎文閣七年大成殿朽壞提督胡茂

楨知府李為霖同知王燕徵通判金雲鳳推官方象璜相繼修

十八年修啟聖祠二十四年修東西兩廡二十五年巡道祖澤

深捐建明倫堂四十一年大成殿左建碑亭內藏御製訓士

碑文四十三年殿廡堂閣俱摧損知府黃良佐捐修雍正元年

知府王景皋重建明倫堂十一年知府周鍾瑄重修乾隆八年

知府劉士銘修大成殿暨戟門櫺星門明倫堂崇聖祠奎文閣

十年夏霖雨兩廡摧毀士銘捐俸續修教授李超監修施志乾隆

三十八年巡道錢士雲會同將軍綽和諾知府汪容率紳士陳

國勳等重修越兩載告成用銀一萬有奇乾隆五十三年江水

潰城發帑修道光十七年知府王若闕重修參江陵縣志櫺星門外

木柵朽脫同治十二年文蔚易以石柱重修戟門捐製丁祭禮

器光緒四年率各屬重修東西兩廡五年修大成殿崇聖祠奎

文閣大成殿易覆黃琉璃瓦崇聖祠易覆八角瓦增置樂器

梁元帝請於州立學校表臣聞公宮之南四術四教司樂成均

黨塾茲併離經之志辨焉故不升嵩霍豈識乾行之峻不臨溟

渤安知地載之厚泊乎秦焚金錄周亡玉鏡羣言爭亂諸子相

騰書則夏侯歐陽易則神翰道訓詩乃齊魯毛韓傳稱鄒左張

夾禮有曲臺王史之異樂有龍德趙定之殊伏惟陛下撫五辰

而建五長播九德而導九州容成爲應禮作樂緯文也若非六經庖

應黃鍾之琯撥亂反正經武也制禮作樂緯文也若非六經庖

厨百家異饌三墳爲瑚璉五典爲笙簧豈能暴以秋

陽紆就望之景濯以江漢播垂天之澤梁元帝集

國朝祖澤深修建府學明倫堂記荆州爲南服奧區據江漢之

絡人傑地靈自鬻熊啓宇以來良史之才騷雅之士比肩接武

譬之杞梓皮革皆荆產也三代學校之設人以教國之俊秀辟

雍鐘鼓首善攸隆下而術序黨序所謂春夏詩書秋冬禮樂者

自京師以逮郡邑各建大成殿以爲俎豆對越之所荆州之有

學也由來舊矣學在郡城之東考諸志乘殿宇軒豁規模宏整

屢更興廢不改舊觀自故明末造流寇張獻忠豕突狼奔由豫

入楚犯我郢城屠戮焚掠十餘年無甯晷從此萬仞宮牆鞠爲

茂草矣我國家迭掃逆氛肇造區夏荆州既隸版圖休養生

息三十餘年瘡痍漸有起色比戶漸習絃歌而滇黔小醜盜弄

羽林雲屯荆郡凡數年而道誅之尊始即天刑比因用武之秋

未遑文敷兵凶游至不敢時細舉旄郡學之榛蕪由此其選也

余奉命建節蒞土下車之日肅謁廟庭周視殿廡棟折榱

崩凜然欲歷至於講藝之堂櫛士之舍不特蒿萊滿日卽遺址

亦半爲馬廐矣嗟乎際此偃武修文崇儒重道之世而官牆萬

仞坐視其日就頽頽守土者將何所謝其責乎於是首捐俸金

量工命日門序殿廡之未圯者易腐柱頽縑以周匝施以丹雘

左平右城夾植松杉今而後高祀登歌之地神有所憑矣殿之後清其地界之被使者築基址平板軒廊材陶埴埴役民而售直焉堂之高廣觀深視昔有加齋舍泡瀉以次修舉今而後講道肄業上有所依矣余讀曾子固宜黃縣學記謂古之人自家至於天子之國皆有學學有詩書六藝絃歌洗爵俯仰之容升降之節以習其心體耳目手足之舉措又有祭祀鄉社養老之禮以習其恭讓進材論獄出兵授徒之法以習其從事師友以解其惑勸懲以免其進戒其不率故其俗之成則刑罰措其材之成則三公百官得其用其為法之承則中材可以守其大人之深則雖更衰世而不亂學之所係如此今日者登斯堂也講肄以時絃誦不輟彼都人士能無油然而觀感頑廉而立懦也乎落成之日躬率僚屬釋奠先師以告成事爰伐石紀歲月而借子固之交以為荆之士子勸其與於斯役者爵里姓氏具載碑陰

周鍾瑄重修荆州府學文廟碑記

聖廟居城之東先是聖祖仁皇帝於康熙二十一年分遣入旗駐劄茲土以備守禦郡城遂分為二東城名曰滿城而聖廟至今巋然屹立如魯靈光每當春秋祭奠時介冑之士園橋而觀禮者如堵漢代所謂期門羽林之士悉道孝經者無以加茲以故廟學之安厥土而重遷有由然也顧歷年久遠未加修葺瑄於今雍正之八年恭膺簡命承乏荆土至則釋奠先

聖每逢朔望炷香瞻拜之時巡簷編觀自大成殿暨東西兩廡崇聖祠明倫堂櫺星門文昌閣名宦鄉賢二祠中多頽廢上穿下漏私心竊念聖天子崇儒重道養育人才著訓勸士子文以端士習為化民成俗先務年來僻州小縣無不崇勸學宮增壯增麗而荆郡為聲名文物之地聖域賢關不克輝煌殿宇以鼓吹休明奉宣德化守茲土者責何容道用是志切修除而菲材綿力遲之而未遑會今年四月下旬淫雨連綿民居頽敗者多而學宮尤甚若復因陋就簡日漸飄搖將何以受聖靈而肅瞻觀爰是割俸誣吉鳩工花材屬府學教授陳道擇諸生之有材幹者董其役濬溝通渠焚瓦砌石朽敗者易之漫漶者飾之棧枋戶牖丹雘塗墍而廟貌煥然一新是役也作始于七月初四至九月初十日而工畢凡土木灰石匠人費銀四百六十餘金暫記之以俟後之續加補葺云

潘宗洛重修府學記

荆州府學明季燬於兵燹順治十年知府二十六分巡荆南道祖君修之越今十有七年而復圯棟垣頽夷丹堊剝落吏茲土者胥用震惕予泣試日謁孔子廟訖咨知府事清源黃君君肅容曰某敢不力于首出俸料諸生暨童子之有事於試者胥飲助之君合條屬勤厥事不期月而告成以書達辰請予為記予竊惟荆於九州地最鉅自漢晉以來始析為江旋析為湘又析為雍鄂而江陵常號督府西朝人

士其彪炳史冊者幾與江左埒隋唐後風氣稍偏隸郡縣日削至宋而唐鄧襄皆為不耕之土荆北接襄沙海沮洳士之以學名世者自一二偉人外率不如閩蜀故永康慨然太息欲用荆襄剝果之風以起吳蜀閩浙脆弱之習而惜其說之不果用也夫永康名學卓犖英偉然補苴罅罅粹之學則於進聖人之道不難也自元明迄今合荆南歸峽為一郡風氣漸完勲業文章蓋視宋有加而國朝尤盛今天子鴻恩沛洽文教純熙凡萃校邊臣胥欲導之詩書而荆為江廣要防諸君子受寄茲任者亦惟教化為兢兢吾知荆之學者益自淬厲而以卓越漢晉唐宋之士之行有日也嗚呼勤哉黃君家世名儒典郡之始即以修學為亟且其初議欲改營壤址雖卒不克展而其志之勇有可嘉者予並書之以告後之人倘其有鑒

王若閔重修府學碑記

郡國設學之制始自漢平帝時至梁元從來遠矣而志止稱始於南齊蕭嶷唐至宋一無考逮元廉希憲行省荆南選官置籍謂即今學地要以歷代沿革兵燹屢更間多興廢遠者不可稽斷自近者始有明之季流寇氛熾地當衝要宮牆化為灰礫國朝定鼎王公篤麻守茲郡慨然興修其於舊址移易不可知而建在城東歷今不改康熙中分入旗駐防城因折為二駐防迤東而學在其中每春秋習禮七萃之

九百一十三

荊州府志卷之二十一

學宮

五

士咸集與園牆聽觀時迨無異焉顧經日久風雨漂零屢就頽圯繼起者葺治之其間重修者祖公澤深則一葺於乾隆十年荆守劉公鼎臣再葺於四十一年觀察錢公昆浦迄今又週一甲子矣棟宇戶牖漸又摧殘予下車以來怒焉有志修治歷歲災歉力有不支迨乙未秋屬邑中稔適觀察梁公與予同志遂相與捐廉首倡而郡人士踴躍欣襄克成斯舉殿廡祠楹一仍其舊而傾者易之剝者新之其工之數凡一萬有奇其金之數凡五千有奇十閱月而歲事又以餘資依古制建設爵罍尊彝琴瑟簫祝之屬以邑之俊秀者充樂舞之選自是俎豆馨香鐘鼓鏜鏘庶幾漸增美觀焉設學與賢國家制治之要也釋奠崇祀多士效法之原也荆州固代出偉人現而又為滿漢萃處地嘉慶二十一年既增設駐防學額又於乙科額拔賢書三人蓋化被同風所以嘉惠藝林者規模宏遠矣固宜雲蒸霞蔚駸駸日上荆州之士將必有接武曩哲而起者予忝司風教雖未敢追美前蹤而修舉廢墜上以承聖代作人之化下以酬郡人勸事之忱於其觀成也詎無厚幸歟勒石而記之其捐輸各姓名爰備列於左云

先師廟

至聖先師孔子大成殿正位宋元舊稱文宣王明嘉靖十一年改

今稱春秋仲月上丁祀以少牢 國朝雍正三年改用太牢康

熙朝 頒御書額曰萬世師表雍正朝 頒御書額曰生民未

有乾隆朝 頒御書額曰與天地參嘉慶朝 頒御書額曰聖

集大成道光朝 頒御書額曰聖協時中咸豐朝 頒御書額

曰德齊懣載同治朝 頒御書額曰神聖天縱今制覆以黃瓦

四配

復聖顏子 唐貞觀二年配饗 宗聖曾子 唐開元八年從祀 述聖子思子

宋大觀二年從祀 端平三年配饗 亞聖孟子 宋元豐七年配饗

十二哲

先賢閔子損冉子雍冉子耕宰子予端木子賜冉子求仲子由

言子偃卜子商 俱唐開元八年從祀 顯孫子師 開元時從祀 應廂宋咸淳三年升位 有子若

六百〇二 荆州府志卷之二十一 學宮

開元時從祀 應廂國朝乾隆三年升位 朱子熹 宋淳祐元年從祀 應廂國朝康熙五十一年升位

東廡

先賢公孫僑 國朝咸豐七年從祀 林放 唐開元二十七年從祀 明嘉靖九年收鄉祀 國朝雍正二年

復 原憲南宮适商瞿漆雕開司馬耕梁鱣冉孺伯虔冉季漆雕

徒父漆雕哆公西赤任不齊公良孺公肩定鄒單罕父黑榮旂

左人郢鄭國原亢廉潔叔仲會公西輿如邾巽陳亢琴張步叔

乘秦非顏噲 俱唐開元十七年從祀 顏何 唐從祀 明罷國朝雍正二年復 縣直牧皮樂

正克萬章 俱國朝雍正二年從祀 周敦頤程顥 俱宋高祐元年從祀 邵雍 宋咸淳三年從祀

先儒公羊高伏勝 俱唐貞觀二十一年從祀 毛亨 國朝同治二年從祀 孔安國 唐貞觀二十

十一年 從祀 后倉 明嘉靖九年從祀 許慎 國朝光緒二年從祀 鄭康成范甯 俱唐貞觀二十

一年 從祀 明改 陸贄 國朝道光六年從祀 范仲淹 國朝康熙五十四年從祀 歐

國朝雍正二年復

陽修 明嘉靖九年 司馬光 宋咸淳三年 謝良佐 國朝道光二年 羅從

彥 明萬曆四十年 李綱 元國朝咸豐 張栻 宋景定二年 陸九淵 明嘉

年從祀 陳淳 國朝雍正 真德秀 明正統二年 何基 國朝雍正 文

天祥 國朝道光二年 趙復 金履祥 陳澔 俱正二年 國朝雍正 方孝孺 國

朝同治二年 薛瑄 明隆慶五年 胡居仁 明萬曆十年 羅欽順 正二年 國朝雍正

祀 呂柟 國朝同治 劉宗周 國朝道光 孫奇逢 國朝道光

張履祥 國朝同治 陸隴其 國朝雍正 張伯行 國朝光緒

西廡

先賢 蘧瑗 唐從祀 明改 國 澹臺滅明 宓不齊 公治長 公哲 哀

高柴 樊須 商澤 巫馬施 顏辛 曹卹 公孫龍 秦商 顏高 壤駟 赤石

作蜀公 夏首 后處 奚容 葳顏 祖句 井疆 秦祖 縣成 公祖 句茲 燕

七百二十三 荆州府志卷之二十一 學宮 七

伋樂 欬狄 黑孔 忠公 西葳 顏之僕 施之常 申棖 俱唐開元二年 左

邱明 唐貞觀二十一年 秦冉 唐從祀 明罷 國 公明儀 三年 國朝咸豐

公都子 公孫丑 俱正二年 國朝雍正 張載 程頤 俱宋濬祐 元 劉德 朝光

先儒 穀梁赤 高堂生 俱唐貞觀二年 董仲舒 元至順元 劉德 朝光

緒三年 毛萇 杜子春 俱唐貞觀二年 諸葛亮 二年 國朝雍正 王通 明

從祀 韓愈 宋元豐七年 胡瑗 明嘉靖九年 韓琦 二年 國朝咸豐 楊時

明宏治八年 尹焞 國朝雍正 胡安國 明正統二年 李侗 明萬曆四年

祀 呂祖謙 宋景定二年 袁燮 國朝同治 黃榦 國朝雍正 輔廣

五年 國朝光緒 蔡沈 明正統二年 魏了翁 王柏 俱正二年 國朝雍正 陸秀夫

九年 國朝咸豐 許衡 元皇慶二年 吳澄 明正統八年 國朝乾隆 嘉靖九年 許

謙 國朝雍正 曹端 國朝咸豐 陳獻章 明萬曆十年 蔡清 朝雍

正二年 王守仁 明萬曆十二年從祀 呂坤 國朝道光六年從祀 黃道周 國朝道光五年從祀

祀 陸世儀 國朝同治十三年從祀 湯斌 國朝道光三年從祀

崇聖祠舊曰啟聖祠祀叔梁公以先賢顏無繇曾皙孔鯉孟孫激

配先儒周輔成程珦朱松蔡元定從祀雍正元年 詔封 先

師五代王爵肇聖王木金父裕聖王肅父貽聖王防叔昌聖王

伯夏啟聖王叔梁紇祠改今稱增宋張迪從祀咸豐七年 詔

增孔孟皮配饗 縣志同

明倫堂在教授署內

名宦祠在戟門左

奎文閣在明倫堂東

鄉賢祠在戟門右

荆州府志卷之二十一 學田 學額 八

教授署在府學東

訓導署在府學西

師生員額

唐荆州府學有博士助教 大曆十四年詔諸州府學博士改為文學位參軍上 大都督府

學生六十人 按荆州唐為大都督府 宋置教授學政學錄直學元增訓導

宋初由州府選聘以請於朝其後太學立三舍法試可乃授開

命近臣薦舉充之生徒來學不限多寡明制教授一員訓導四

員學生始有定額 國朝教授訓導各一員廩膳生員四十名

增廣生員四十名附學生員不限額歲科兩試每次由所屬各

縣撥入二十名武生歲科並試共二十名 施志

駐防學額

駐防文武童皆五名取進一名額設廩生二名增生二名惟繙譯童生亦五名取進一名至多不得過五名餘詳駐防營志

學田

樊家菴田三十一畝一分六釐有奇胡裁縫店田八十畝孫家湖田二十畝康熙五十六年武昌府江夏知縣金廷襄捐置田六畝二分五釐坐落秘師橋小橋灣增置田畝詳縣志

考棚

學院考棚在府治南順治初分設湖北督學道湖南提學道順治十八年改爲通省提學道康熙四十二年始以翰林院督學雍正三年湖南北各設一員初學道舊署在駐防城內龍山書院東康熙二十三年移建今所大堂西向坐號僅二千有奇前

知府劉士銘江陵縣知縣何師軾因士民請改作乾隆十六年知府葉仰高署江陵縣知縣王銘琮踵成之改大堂南向旁建考棚一百餘間後建迴廊十楹進爲二堂又進爲內宅建旁舍居吏胥乾隆五十三年六月毀於水請帑加修如舊制後歲修七屬合捐舊碑可證道光間兩次水淹漸就圯毀光緒二年江陵縣知縣柳正笏籌款修理內外一新文昌祠向居大堂東偏每院試封閉非所以妥神也爰仿省垣貢院明遠樓式建閣於點名廳上以安神位共用錢若干迴廊旁有客廳江陵縣知縣謝蘭所置也棚內東西號舍其外南北兩舍皆江陵人士獨任修葺每屆江陵撥府學十名雖視人數亦因派費多也

書院

東山書院在府學東北今廢見古蹟 舊在荆門州東山岡宋狀元孫何兄弟讀書之所元初荆門人士辟地江陵重構是院以為釋菜講習地久廢

荆南書院在南門內之西按今在安瀾門內 國朝康熙五十八年

知府邱天英建中為樂育堂稍西有講堂退省堂敬今似廢

東則私淑堂雨化堂答問堂各三楹側為射圃井泉庖漏皆具

又置八嶺山田七十八畝五分以供延師課讀之費乾隆三十

年江陵縣知縣吳耀龍斷歸龍洲老淤田四百七十二畝六分

六釐五十六年新淤田七百四十六畝二分亦歸書院五十九

年大丈老淤田坍塌二百一十二畝九分嘉慶三年知府張方

理勸各屬典商共捐銀五千七百五十兩由知府足成市平銀

五百二十一 荆州府志卷之二十一 書院

六千兩交典生息每年八嶺山田租由江陵縣教諭征解龍洲

田租由江陵知縣征解存典息銀由知府經收另冊交代十一

年知府李逢春捐銀二百兩道光五年知府王鳳翰捐銀一千

兩江陵知縣周鶴立捐銀八百兩公安知縣關維紀石首知縣

陶洽松滋知縣張希呂各捐銀四百兩均交典生息計前後租

息歲入經費銀一千六百餘兩咸豐五年知府陳均遠因公提

用本銀五百兩同治元年知府唐際盛重修加廣課額光緒五

年知府倪文蔚重修冊府

輔文書院在滿城南界門大街前將軍巴揚阿舉行月課在官

文恭公祠內局試光緒四年將軍希元會同總督李瀚章副都

統穆克德布恩來荆州府知府倪文蔚捐廉併外募共得銀七

千有奇。勸建書院及文昌宮，餘銀四千兩存典生息，作為賓興諸費。山長束脩、生童膏火、由新淤洲課租動支。駐防志

義學附

郡城向無義學。嘉慶二十一年，知府雜昂捐銀四百兩，發典一分五釐生息於府城隍廟設館，延師教讀貧家子弟。每年計得息銀七十二兩，以四十兩為塾師脩脯，以八兩給守者為灑掃費，以八兩為禮書紙筆費，餘銀十六兩以四兩為聘金，以十二兩為塾師節禮。碑勒府城隍廟，旋移設太平缸。經歷廳舊署禮書孫永輝請捐，所給銀兩助學童紙筆書籍。咸豐年間，知府唐際盛分為二堂：一設原處，一設藥王廟。復於西城文昌宮添設一堂，由府捐送束脩銀三十六兩，聘金節禮銀四兩，學童紙筆

銀四兩，齋夫工食銀四兩。同治十二年，知府倪文蔚見學童聚散無常，虛糜館俸，裁併藥王廟，仍歸太平缸。每年塾師束脩四十兩，聘金及三節敬儀八兩，學童紙筆書籍銀十兩，齋夫工食銀六兩，餘銀八兩為年終考課獎賞。文昌宮一席仍舊捐廉致送，向年塾師由學官舉報論充。至是，知府始親用聘書重師道，所以育英才也。塾師亦當體斯意而盡職焉。縣志 按文昌宮一席近改歸清節

堂右郵 孤義學

郵孤義學。光緒三年，文蔚捐建專教節婦子，著有學規并為文記之。勒石堂外。

八旗兩翼總教習十名，係九品頂戴。乾隆二十四年，原在左翼副都總德琦保奏，准添設在本旗領催前鋒內考取。

八旗兩翼滿漢義學各一所乾隆四十五年左右翼協領長泰呈請在各旗添設學生二三十名不等均由各牛彖官學按年挑入牛彖官學五十六所均牛彖子弟其東修膏火俱由牛彖兵丁公助將軍都統按季委印房章京考查勤惰分別賞賚八旗繙譯總義學一所光緒二年設於官文恭祠內由八旗滿義學各挑取三四名延本駐防精通繙譯之舉人生員二名教之

江陵縣

學宮

江陵縣學在縣治南舊在城東南沙市創建時代未詳明洪武中遷入城東北隅正統中知府劉永正德中巡道張宣萬厯中巡道張振先繼修 國朝康熙六十年巡道殷邦翰遷建今址雍正三年

荆州府志卷之二十一

學宮

告成大成殿南向東西兩廡各十二間崇聖祠名宦祠鄉賢祠各如制乾隆五年知縣陳夢文議修未果六年教諭陳燦又請修九年知縣艾恩蔭倡捐修建明倫堂尊經閣奎文閣鑿泮池砌石圍橋三座翼以扶欄橋南為櫺星門週遭築墻廟門外建石坊二濬外泮池廣近十畝石欄護之經始於十年二月至十二年十月告成歷攝縣事安陸通判官兆麟知縣黃詠縣丞王鑑教諭陳燦監修董其役者貢生嚴一鵞等凡十五人施光緒三年知縣柳正笏率邑人籌費重修

國朝屠嘉正江陵縣學記

天生萬物惟人也得其秀而最靈人不由道是自汨其秀而靈者不可以

為人故聖人必設學以教之然命之曰人則雖利欲紛拏習與世更道終不絕於其心故學自唐虞三代迄於今歷數千年不廢江陵名都會也踞吳楚之上游當東西南北之衝舟車冠蓋絡繹其間自宋張敬夫為帥講道平政以輯和其民江陵之人

始欣欣嚮學元明以來名公巨卿輩出炳史冊焉壬戌之春嘉
正以監司來駐是邦樂其會沐南軒先生之教遺澤當尚有存
也爰進諸生課其業考其行類多循循約於規矩獨其廟學猶
未隆備蓋學故在城東北隅康熙辛丑始遷於西殿廡門極僅
具餘未遑及也於時知縣事文君恩際慨然有志而念年適履
於水明年始稔方議舉行迨乾隆九年甲子聖上念人才之
重敦學之宜醕申命慎貢舉崇學校於是邑之薦紳衿者皆鼓
舞興起而修學之議官倡之眾翕然和之度地庀材鳩工始於
乙丑春仲屆丙寅十月殿廡翼門楹顯觀明倫之堂尊經之
閣創建如制又為之表坊於間鑿池為泮構亭於左日文明再
數月而告大備嘉正乃借太守北平劉侯率僚屬於左日文明再
禮既行諸薦紳進請為之記正告之日學之設也所以教人明
乎道而行之也近世之士溺於浮華功利之習聞明道而眾
說則共駭為迂且視若登天之難然是學之修也倡於官而眾
遂不惜勞費以成之是皆知學之當崇閱其制也學之當崇閱
其道也知學之當崇閱而遂不惜勞費以成之且晝清夜之際道
常露其倪然則道非迂也非難也反而求之且晝清夜之際道
君臣父子夫婦昆弟朋友之倫敬用乎貌言視聽思之事者皆
人心所固有爾由是處則為善士可以法於家型於鄉出則為
忠貞隨其職之所司而弗欺弗怠弗詭隨弗苟容夫如是庶克
副天子崇學校育人才之意亦庶不負諸君知學之當崇閱

荆州府志卷之二十一

學宮

三

而一不惜勞費以成之之心若性謂足以壯一邑之觀瞻行且卜
科名之日盛耳而不復識是心之為道所發見是明道而行之
之一端則亦與奉佛老之徒大其棟宇飾其垣墉者一矣豈聖
人設學以教天下後世之旨哉語畢而眾皆以為然因書其說
以記之其先重是舉以幾於成者前令調江夏艾君恩蔭攝令
事安陸別駕宮君光麟前令授沔陽牧黃君詠署令丞王君
鑑其為之前以率之者太守劉侯士銘而諸薦紳
矜者竭誠襄事者俯書於後俾來者知所慕云

鮑桂星重修江陵縣學記

江陵縣學康熙十六年殷觀察邦翰

艾恩蔭率紳士嚴一鵝等重修迨戊申而地於水詔世帑金
葺之嘉慶元年軍興以儲度火藥兵械殘踰失舊觀前令庾太
鈞甫下車觀而慨焉申大府移火藥兵械他而自捐金三百
倡紳士募修以舉人揀選知縣文燾歸州學正劉永岱舉人魯
壽那拔貢劉士璋唐廉職員魯國玠陳楚珩鄭鶴清鄭若湘生
員熊鍾柱王乾福麥長清張瓊監生王俊襄陽府教授王廷
訓導索芬兵部郎中毛承先監知事鄧貽輝部主事黃紹穀貢
生黃紹均二十人董其事經費之出入材物之購求簿籍之句
稽監委之輪值皆二十人任之以毫髮假胥役費不煩而事
速舉閣十有九月告厥成焉昔地而今重建者崇聖祠也尊經閣
也戟門也名宦鄉賢祠也昔無而今增建者忠義孝弟
也櫺星門也明倫堂也文明閣也昔無而今增建者忠義孝弟

千〇五十三

節孝祠也更衣所刑牲處祭品樂器庫新舊碑亭也規制備矣
翰負崇矣爰先師之靈爽棟園橋之觀聽誠一時盛舉哉文
之好義而興善也抑余更有願焉國家設立學宮非以飾觀
瞻誇美富也蓋將肆詩書之業修禮樂之文明親義別序信之
紀遠澆漓柳華競敦仁讓俾人心質慤風俗茂美闡發先師
之遺教佐聖天子玉潤金聲之化以流行垂播於無窮江陵
為三楚之衝扼吳蜀而襟湘漢水陸紛駘人文鬱起余所望於
邑人士者有其地矣必思習其事習其言矣必思釋其義釋其
義矣必思精其詣竟其功好義而利可不言與善而惡無弗過
圓冠方領矩步雍容於以暢贊序之休風而無負斯之經營勞
勩豈惟江陵一邑之幸抑全楚多士所藉以觀摩而興起者其
在斯乎其在斯乎惜乎庾君不獲親見其成而猶喜張君五緘
李君若璋之先後攝符克踵其勤而不倦也爰泚筆而為之記
其經始落成之時日度支之數捐
輪之姓名各彙而書之於左方

王柏心重修縣學記

江陵學自康熙時由城東移建於西嘉慶
城而波浸淫庠楹簷壘圯丹雘多塵暗堂及廡猶不免上雨旁
風馬邑侯姜明府國祺來樞茲邑歎曰號為壯縣而釋菜重地
頽敝若此其何以肅仰止美思樂維時司鐸陸劉君觀昌江
夏萌君大章同辭請曰盍早圖遂相與捐金為倡且啟郡伯達

荆州府志卷之二十一

學宮

古

九百一十三
公昌阿前申各大府募貲邑中得緡錢二千二百有奇擇士之
行廉志潔習營繕者庀材鳩工發日經始圯者起之朽者易之
榱棟加堅飛甍加壯垣墉必取其固黜聖悉從其新然後深嚴
闕邃克稱宮牆始於道光三十年七月迄咸豐元年五月工竣
僉謂宜文以記之屬王柏心紀其顛末垂諸久遠則又為推論
之日夫重學者尊聖也尊聖者尊其道也古之學者自容貌言
動日用倫紀勉勉者持之以敬而積之以誠六經之粹天下國
家之要研究會通內得於心不求外炫用以則舉而措之其原悉
出於道今之學者亦知尊聖不知尊道而究不可謂尊聖然則
尊之奈何曰仍返之聖人之道而已矣猶是容貌言動日用倫
紀六經之粹天下國家之要也惟其實不惟其華惟其純不惟
其雜遇則效彌蒞抒經猷安民善俗不遇則進德修業以淑乎
英才式乎州黨如是而後聖人之道明江陵歷代名臣碩儒照
鑠史冊邇來科第仕宦猶為一郡冠方當文教昌明之日敦崇
學校賢長吏及師儒復率先尊聖情勸儒林蒸蒸髦士益
加興起吾見士之尊道未有過茲邑者爰濡筆而為之記

先師廟

崇聖祠在大成殿西

名宦祠在戟門左

鄉賢祠在戟門右

明倫堂在教諭署前

奎文閣在櫺星門東

尊經閣在教諭署左

節孝祠在教諭署前外泮池側

忠義孝弟祠在奎文閣前外泮池側

教諭署在崇聖祠旁

訓導署在督學試院西以上縣志

師生員額

宋置主學直學學諭學賓齋諭元置學諭生徒來學不限多寡

明制置教諭一員訓導二員生徒始有定額施志國朝教諭訓

導各一員廩膳生員二十名增廣生員二十名附學生員不限額歲科兩試每次取十五名雍正二年加增五名武生歲科併試取十五名江陵向額文學三十名內撥入府學十名武學二十名內撥入府學五名咸豐八年因團練出力加廣永遠文武學額各三名九年因捐輸軍餉加廣永遠文武學額各六名同治三年因續捐軍餉加廣永遠文武學額各四名縣志

學田詳府學

賓興附

賓興館在郡城東南道光十年紳耆鄭若璜等稟奉知府裕謙募建所捐田畝銀兩載館中雜記鄉會試以息銀分送旅費縣志裕謙江陵賓興館碑記周禮大司徒以鄉三物教萬民而賓興之一日六德二日六行三日六藝三年

則大比書其賢者能者獻之於王王拜受之登諸天府典至也禮至隆也伊古及今取士之法不同而賓興之禮未嘗或我朝重熙累洽顯俊尊賢尤甲於前代四海莫不嚮風惟雪案螢窗半多寒暖往往艱於資斧以致虛度槐黃深為慨惜余自丁丑釋褐廩名天祿旋轉儀曹丙戌奉簡命典守荆州喜隋珠下玉萃美是邦判牘餘閑留心文教查覈近年來科名尚多而公車日少不禁慨然因與諸僚屬議哀金三千兩存典生息為計借之資俾寒暖得時自効况人之欲善誰不如我倘邑紳中有願獨捐者有願公捐者集腋成裘亦可為同心之一助今同年鄭君若璜以江陵賓興館記及館中所立收發各章程取予取而細核之蓋江陵此舉倡議於前守雜松亭泊權觀祭瀆行時授鄭君等董其事因約同鄉好義陸續募捐閱七八年告成凡士子春秋闡費俱出乎其中以程途之遠近兩行資之豐嗇豈非與余勸善之心後先昭合耶夫人自束髮受書懷貞抱慈誰不思出而自獻成國家有用之材乃或探瀛海而一葦難杭或望蓬山而孤筇莫振豈真自貽伊阻哉一苦於所挾之無資一由於所憑之失勢也甚有璞經三獻長隕涕於空山胸貯萬間僅低頭於茹屋信姱修以練要長願領亦何傷士則誠然守土者能勿滋愧况荆郡為人文淵藪自屈騷宋賦嗣音三百篇蘭芷助其芬芳梗楠羅其楨幹山之巖水之湄何地無才脫不有以鼓舞而振興之恐人之湮鬱而不彰正未可勝數耳詩曰呦呦鹿鳴宴嘉賓也又曰菁菁者莪美多士也臣也

荆州府志卷之二十一

賓興附

去

而一以嘉賓禮之士也而以君子養之古人尊賢育才之意如是其重以周今余叨授一麾縱不能仰企乎古人又曷敢自外於古人故不憚捐廉為諸君倡而江陵諸君子早有是舉繼自今能實力遵守而擴充之覺小雅所云人之好我示我周行又不禁動我以鼓簧鼓瑟之思也豈特中陵中泚深人懷慕而已乎館中計公捐銀七千餘兩又新舊存天鵝洲田一千二百三十餘畝以時孳息如川不窮其經理之善不待言即以卜此邦科甲之蟬聯正隆隆日起而未有艾也因不辭譴陋而為之記司其事者鄭君而外有田孝廉必達孫明經芝魯教諭壽邦李副車鏞而外專勸募內總敘發則明經鄭若湘陳體仁廣文鄧貽謙其唐明經廉胡茂才兆芝亦時與贊襄例得並書

鄭若璜江陵賓興館募捐田畝銀兩記

考宋史宗室彥倓知緡興府時復鹿鳴禮置興

賢莊而寒峻得所資助學校益興踵其後者則有明成化初斬水之賓興田焉綿歷及今數百年無替如賒實急事未有重於此也吾邑舊稱文藪科第幾甲全楚近來獲雋士漸不如前揆厥所由半因水旱偏災無力上進鄉先輩孫照堂萬春鄭寅菴鶴賓同姪湘糾集黃穎軒主政屢次倡議募立賓興盤費而時細舉羸謀未果會雜觀察方守荆延訪下情吏以眾議告遂慨然有玉成意時則封君鄧公士琮毛公清遠陳公士儲捐出天鵝洲田八百九十餘畝於是其費舉觀察又以洲濱大江伏秋

水泛田廬蛟窟未可恃率前邑侯李召璜等實心董理勸捐增
充遠近焚涉闖八九載陸續收銀七千兩有奇發典生息自辛
巳科始至乙酉迺定厥規夫大鵬培風而起尺鯉憑木以升有
志青雲之士誠能端品力學勉勉於螢窗雪案逢三年大比東
裝就道旅無資斧憂未必非聳壘昂霄之一助也願釀金易立
法難法立而得人尤難為此公識章程斟酌妥協請於縣申文
立案俾後之人永遠奉行典守無侵蠹之患度支有增長之益
人文蔚起多士雲蒸庶克媲美前賢仰副觀察培植深心而邑
人士之慷慨仗義且得功歸實用利賴
無窮爰將樂輸芳名刊石以垂久遠

考棚

詳府

書院

義學附見
荆南書院

龍山書院在考棚東

舊龍山書院在城東
明嘉靖中置今廢

國朝乾隆十八年

知縣曹鑾捐建前設講堂三楹後為學舍十有五間知縣李豫
始延師主講集邑中子弟肄業焉

張應宗重興龍山書院碑記

學校之地人才所由出而常視守
令為轉移謂其以拊循兼教誨名

八百〇一

荊州府志卷之二十一

書院

七

實符而激勸易也江陵龍山書院自邑侯曹公由城東移設今
地甫落成而侯捐館舍膏火不給邑人悼之越一月李公來宰
茲土慨然曰是耶耶髦俊皆吾子弟山長及諸生所需吾當捐
俸從事爰定為課程於山長所授常業外更進諸生甲乙之公
時至院提撕懇切不異鵝湖鹿洞之風以故官茲土者觀察郡
伯莫不心風俗也古者八歲入小學五歲為閭閻各有塾十五人
大學五百家為黨黨有庠二千五百家為州州有序隨在立學
擇卿大夫有德行而致仕者教之是以人才蔚起出則本其素
所蘊蓄黼黻承平處則講讓型仁轉移風俗亦足稱鄉里善人
無他上之人有以提唱之其漸摩深也江陵衣冠數澤山水綿
絡元大觀中養士至七百人人文之盛甲於荆湖今得公造就
一邑之人才俾之興起其效當何如乎昔周濂溪興教善俗民
宗其教士宗其學朱文公與諸生講學蠲俸以給貧生二公先
後知南康軍彼都人士尸祝不忘以今視昔吾邑之德公與曹
侯者其有異二公之在南康乎公諱豫乙卯拔貢生粵東新興
人其時主講席者則安
陸陳星亭太史中龍也

社學在府治南今為訓導署

南陽書院

所在宋荆湖帥孟珙因襄陽士人聚於江陵乃建書
未詳

院以沒入田廬隸之見孟久廢

錢事司學江陵志餘在楚望門外宋貢院也元泰定丁亥錄事

王文炯為建廟學元末兵燹廢施志

中興縣學江陵志餘在沙市至元癸巳始以舊總制司為之縣

令李顏忽都重葺今學廢而文廟神几猶在赤岸頭陀寺制作

堅緻朱漆爛然按志餘又云中興縣在鶴穴北地名赤岸元置

史地理志中興路領錄事司一縣七縣則江陵公安石首松滋枝江潛江監利別無所謂中興縣即他書亦不言元會析江陵地又置中興縣也且赤岸沙市俱隸江陵縣設赤岸而學置沙市尤不可解乃其說鑿鑿不敢妄削姑存以俟考施志

公安縣

學宮

公安縣學在縣治南舊濱江宋建元末燬明洪武二年重建隆慶

五百五十九

荆州府志卷之二十一

學宮

末

間遷舊縣東崇禎中遷今址後燬 國朝順治九年創大成殿

東西兩廡南立大成門左名宦祠右鄉賢祠前鑿泮池又南立

櫺星門建龍門坊後漸圯訓導孫錫蕃重修康熙十四年知縣

何國棟建文昌宮魁星閣二十八年知縣沈爾燦建啟聖祠於

殿東三十七年知縣許磐重建大成殿大成門又新修名宦鄉

賢二祠三十九年教諭魏士俊訓導楊兆儒以舊木石增建明

倫堂在鄉賢祠左四十年復建櫺星門四十三年知縣陸守琛捐建

尊經閣在名宦祠左五十一年知縣沈寅建射圃於西關外五十五

年知縣楊之駢捐修學宮雍正元年重修同治九年十二年大

水傾圯殆盡十三年移建新城參縣志

國朝趙申喬公安縣重建廟學記公安荆南屬邑也舊有學屢燹於兵歲久不治縣尹許君

磐慨然念之因紳士僉議捐修請之郡守魏君勳報可而後
材鳩工尅期告竣又新鄉賢名宦之祠於橋星門之旁增祀有
功德斯邑者以桐鄉遺愛之故論先大夫治績久而益定升進
凡筵越而月會余奉簡命察審鎮草紅苗之案軺車過馬肅
謁祠下感念音容屈指先大夫去官之日與茲瞻拜之期已閱
六十年矣學博率其庠之弟子乞言於余余方戴星復命匆
匆未果為未幾由浙調撫楚南稍暇爰為之記以勗多士曰古
昔盛時立學造士自成均迨間黨皆有師也是以上無私師下
無私學周末王道浸湮士之不得位者輒相與授受於山野觀
洙泗西河鄒嶧之前事可見漢興迨重經學歷考關西濟南瑯
琊干乘生徒各不可謂之非私學也若夫王道興則師道公諸天
良亦專矣要乎多士生長同風之世遭逢堯舜亦知師道公諸天
下今非其時乎多士希聖希賢之學乎善乎王文成有云殿
庶堂舍拓而葺之餼廩條教具而祭之是有司之修學也求天
代多聞人科舉登進不足為難其聞先王大同之教以修身治
心而深疾夫馳騫功利之寵者將必有其人焉從此濡染成俗上
應昌隆遵天子崇序詎不休哉先大夫在任會始信德教取
敷不於山野而於庠序詎不休哉先大夫在任會始信德教取
士之額遠不逮江陵備偏學使者前必大夫在任會始信德教取
翁變文章經濟卓犖一時乃者闡幽典行多士徘徊棟宇瞻仰

一千。廿八

荊州府志卷之二十一 學宮

充

儀型能無油然興起乎是則余之稱引弗後仰體廟堂之良法
美意以詔告多士實本先大夫拳拳育才之心雖然甯獨為公
安一邑言之也哉列其崖略
郵昇兩學博刻詞麗牲之百

沈爾燦重新學宮記

公邑舊治濱江自明季戊辰以後城再遷

士僅以自保殿廡間幾於鞠茂余奉命來尹茲土每月吉祇謁
未嘗不怒焉憂之顧歎歲力勿違也會富川鄧君以司訓主
事屢謀於余併力圖其事次年春度地於學宮之左創啟聖祠
三楹厥工甫竣夏四月醴雨毀宮之後壁殿材且半蠹循牆
踏岌岌乎隕墜是懼亟偕鄧君悉捐俸入庀材糾工易其巽
缺者而堊馬汰其木之腐者而斲焉五閱月門觀旣壯綠垣漸
週凡此皆體國之常經肇造新邑以來數十年荆榛灌莽以
待於今日者也嘗論世數之汚隆與文運之顯晦相倚藉公
邑魁梧大儒如王襄簡鄒莊簡以高第乘時策勛譽流竹帛近
代三袁先生領袖科名主持風雅海上成亥夫樂得而道之曾
幾何時而芳徽不再鼎興數十年僅以成亥夫樂得而道之曾
之推移抑絃誦之聲少衰息耶夫上有好爵之虞下有姱修之
蔚然不振維鷄貽刺矣歲周星紀景運其昌將見斯邑之人文
以是時端父兄之教慎子弟之賢經明行修之選登進無少遺
詩說體以安雅言之訓而以歲時陳俎豆習干羽於中將業日

修而德日進彼洋洋歌鹿鳴兔罝而來者非其嚆矢乎太史韜
軒採風卽以之比美齊魯焉可也是余之有事於新宮而不能
無望於後
起之士也

先師廟

崇聖祠

各宦祠在戟門左

鄉賢祠在戟門右

明倫堂

魁星閣

尊經閣

節孝祠

忠義孝悌祠

荆州府志卷之二十一

學額 學田

三

二百七十一

射圃

安以上縣志未詳所在

教諭署在學宮左

訓導署在學宮右

師生員額

宋元明制詳見江陵縣學 國朝教諭訓導各一員廩膳生員
二十名增廣生員二十名附學生員不限額歲科兩試每次取
十五名雍正二年加增五名武生歲科併試取十五名同治五
年因續捐軍餉永遠增文武學額各一名

學田

原額止椒園一處 國朝康熙三十一年教諭顏翼祖偕訓導
楊兆儒置放馬官湖地一區計四百六十七畝四分八釐零又

廢隄地十處共一百七十四畝零

按學田在阡湖隄官山等處屢經潰隄沙壓水沖不能

履勘招佃前教諭王慰會行清丈卒以水患不果

許馨學田紀略

從來郡邑之設首隆學宮重文教也士苟薰陶既久必能矜名節抑奔競雖操瓢與單凜然持

稼穡荷獵之志而聖君賢相惻然念之康饋帑數外復有學田

典基隆矣獨是田無定所畝無定額故儼然號名邑而敦詩說

禮輩或致難以自給雖愿奉上以無礙官區撥充而後漁隱

占覲公地為私物者往往有之脫不加意剔釐將膏雨之沛實

去而名存單寒之儒額天而無從也公安撥充之學田止椒園

一處為田無幾歲入有限欲仰給於中者人有石田之歎欲家

分升斗不亦難哉幸賴司士顏先生自癸酉至己卯經營六七

載動費數百金司訓楊先生丙子受事後翊贊以終其美則延

袤數百畝矣有放馬官湖一區有沿江廢隄數處曰官湖則非

民田也曰廢隄則非民業也而兵燹之後考核無從竟為豪強

所竊據於康熙三十一年庠生李之芬翼三提等具控前縣尹

吳公當是時顏先生秉鐸茲邑已一年矣隨詳請府憲魏公轉

送糧憲李公明鏡高懸羣蟻盡消由是侵奪者還隱占者復適

詳各上憲而其案始定肇承乏茲邑檢閱前案未嘗不歛容稱

嘆以數十年未有之業一旦楚得楚弓豈其不廢一財弗勞餘

力頓致羣小俯首聽命耶卒能鋤奸去弊使呻吟釐然樹種桂

八百三十三

荊州府志卷之二十一

學田 賓興附

三

賓興附

公安賓興費道光十八年宋國堡捐田一百零二畝四釐坐落

北觀音寺咸豐元年舉人李洪已訓導杜宜詩等因先年知縣

李紫藩勸捐育嬰存費稟請徐令文灼改為賓興始置腴田五

十二石七斗五升嗣又得江陵訓導鄧承壽捐助城內及沱市

典鋪兩處房屋歲獲租數十金第前捐之田沙漬無利沱市之

屋火燬無存在城內者移建新治有志之士以公廉為繼述有

以穀士子者誰之賜哉事既成願先生邀余履畝踏勘爰是逐
一丈量經界四至罔弗條分縷析放馬湖一處計地四百六十
七畝四分八釐廢隄十處共地一百七十四畝所入之租據實
造冊所給之人照冊分領俾彈丸不失之豪強絲毫必給之寒
儒以廣皇仁以資絃誦臣職也亦師道也異日諸君子相與
食租衣稅稍糶既登稽古益力為大儒為名臣邇所自來知學
產經理有人翊贊有人其無
忘此日鱗涸之仁恩也哉

力之家以樂施爲擴充庶此項垂之永久矣田畝詳邑志

參縣志

考棚

縣試院向在舊城南平書院右今移建新城其田畝詳邑志

書院

義學未建故不附志

公安書院在舊縣寇公祠旁一名竹林書院宋荆湖帥孟珙因蜀士聚於公安乃建書院以沒入田廬贍之元荆南行省廉希憲重修明末僅存廢址

南平書院向在舊城北門內今移建新城其田畝詳邑志

石首縣

學宮

石首縣學在縣西門內明洪武初因元故址建中爲大成殿南向左右兩廡前爲戟門名宦鄉賢二祠在戟門左右門外爲泮池園橋南爲櫺星門成化間知縣黃本闢殿後隙地建明倫堂堂下爲東西二齋又西牆外爲射圃堂後爲尊經閣迤閣而左爲啓聖祠祠前創敬一亭嘉靖十年知縣徐如圭建文昌閣翼殿左右爲祭器庫爲神廚明末兵燹廢 國朝順治十年知縣王大年捐修大成殿及啓聖名宦鄉賢三祠十二年復捐建兩廡未竣康熙元年五月大成殿災訓導王貽貞重建略如舊制七年知縣衛應嘉修建明倫堂殿廡祠閣相繼修葺雍正三年重修十二年知縣張坦增修崇聖祠及大成門內外泮池同治十二年知縣雷登蟻籌修大成殿光緒四年知縣徐人灃籌修

參縣志

明張璧學宮七柏賦

子石首學宮古柏前後凡七不知厥植何

壽凡在青衿遊從誦習學翠憩陰多所仰止予往歲家食每一
登蓬意展神快比來京師頻懸夢想蓋物異類而同情志因感
而發興爰乘公暇乃遙賦焉賦曰夫何陽山之峭拔兮峙廟學
於峯前蔚七柏之森爽兮厥封植之何年維盤柯而娉節兮聳
碧落而凌煙枝葉以揭葉兮忽巨絡而聯延肆巽宮之赫奕
兮孕后土之菁英挺老幹之輪囷兮抱雅操之幽貞繁文章之
錯落兮極膚理之縝勻冰霜凜其栗冽兮萬卉曷其比倫超浮
遠而邁塵兮力排雲而蕩霧覽長材之翦夔兮泛剛條之穠郁
託經歲之常清兮匪乘春之暫綠峩孤芳而瑟瑟兮豈凡姿之
綠穉既吟龍而嘯鳳兮又止鵲而築烏抑穹石之礧礧兮矯首
柱之榮敷若重臣之廷立兮相淵竭乎廟謨稟正色其難犯兮
坐鎮定乎輪奐映朝日而流膏兮霏夕煙而晦色抑橫舒之異
狀兮躋扶疎而高植雖偃蹇而並茂兮實振拔其何極呈左紐
於宜聖兮詠南山於越石信屈盤之得地兮爰櫛蠶其凌雲盟
結好於松楸兮香更美於蘭芬仰神明之扶掖兮任歲月之續
紛而弗假於雕琢兮夫奚慮乎斧斤窮萬禩而永固兮歷千秋
而不墮煥濯秀而穎發兮紛夏影而清垂或翹矣而如望兮或
凝然而有思或頹馬而欲願兮或儼爾而若持實黃帝之輔佐

九百八十六

荆州志卷之二十一

學宮

三

今抑虞舜之友朋或山陽之逸賢兮乃元祐之老成沾雨露之
沆瀣兮含花景而玲瓏垂工師之顧盼兮侈皇運之遭逢作明
堂之梁棟兮豈徒大厦之峴嶮亂曰維柏錯植自古隆兮虬盤
駢列學之宮兮背嶺帶江清蒙龍兮森栢直幹拱廬穹兮標靈
擢秀美在中兮維神呵護有
化工兮億萬斯年垂無窮兮

江朝宗儒學科目題名碑記

記也者載其實以傳後也古者宮

後况學校為教化之地人才所自出國家所由治其科目之記
又可或後邪我朝啓運重科目之選三試有錄進士有碑所
以傳令名昭盛美使天下後世得有所考以感發興起由是四
方羣邑慕而效之集累科所取士立石題名於學豈獨以永進
士舉人之聞哉百首剏屬邑邑之學宮東南則有馬鞍龍蓋二
山峙於前西北則有繡林入仙二山環於後巴蜀之水右順其
趨荆楚之流左通其滙山明水秀鍾於人物故由學校而登科
目者位師保職都憲躋玉堂居近侍建藩陳臬典郡牧邑自楊
文定公而下後先相繼古謂地靈人傑良有以也顧百餘年來
未建科目題名記其為缺典爰攷洪武初以下至於今得若干
人並以年先後次其姓名而勒之石立於明倫堂之中左徵
余言記之余竊有於邑之士馬夫吾黨先進行義達道者非
但名之著而已也今邑之士隱居求志脫苟焉而學泛焉而仕
冒焉而題不思所以繼續先進之賢後之人必將有指其名而

虞議之者屈子不云平名不可虛作屈子楚之先賢也楚人當益信其言苟信之而積學力行勉馬以充其實將有為公卿建

孫羽侯汪侯修儒學碑記

國家造士藉學尚已功令廣勵博士

為荆屬邑洪承以來科甲聯聯人才輩出稱甚盛矣慶歷間不無寥寥議者謂風氣聚散關賢才盛衰縣五星守垣靈秀最鍾第澤宮歷久風雨摧殘得無英氣漓而未聚耶萬歷乙未新安汪公練溪以已丑名進士出宰是邑至則謁先師瞻廟宇撫然歎曰是向不能輝耀迺茲猥倣何以委聖靈淑士類於是布令合謀鳩工庀材召梓人授成算執符於往度參酌於今規首大成殿次啓聖祠攝星門又次明倫堂尊經閣東西二齋又次鄉賢名宦青雲黃卷樓環以周垣潤以丹雘煥然一新足擅勝槩蓋始於丁酉秋歷兩期而成士頌民謠咸議勒貞珉垂不朽以余為國舊史屬為記余惟為政首務莫先於學所以惇倫正俗與化育才胥此焉繫昔倍公修廟首泮宮文翁治蜀興學為急侯為政取法古人加意髦士可謂知本計矣繼今師儒弟子得雍容揖遜於其間以明人倫以維士風而甲第台鼎比隆前代則今日修學之功顧不偉哉侯令石首本實心以行實政鴻慈茂績民有口碑茲特述其重學者云

國朝鄭其儲明倫堂碑記

庠序學校隨時異名而究其要歸皆

姓不親五品不遜當是時所以明人倫也書紀舜之命契曰百倫為兢兢三代遞嬗莫易是經孔孟相承益明厥旨古人立教其敦本務實也如此故其教之成則家敦孝友俗尚忠誠王道因達而不悖禮讓風行而不奸斯明倫之效也後世彝教不彰高或通於虛無卑或溺於詞章學俗日紛本質日捨而號稱循良能吏又不過撫字催科課厥殿最從未有以講學明倫倡率士類為先務者張侯以滇南巨儒來牧吾石石固荆鄰名邑負山抱江磅礴鬱積民皆樸茂而士多文雅導之以民彝物則亦洵油易興侯下車剗偽卻浮集士學官朔望躬詣明倫堂親為說忠孝大義視事六載政成教洽環橋門外者齒讓相先敢敢穆穆其風可式始侯之至也釋奠先師廟觀茂草頽垣唱然而歎更傷明倫堂歲久傾圮為解橐輿修固創所未有也

先師廟

崇聖祠

名宦祠在戟門左

鄉賢祠在戟門右

忠義孝節祠在明倫堂右

教諭署

訓導署俱在西關儒學左側

師生員額

宋元明制詳見江陵縣學 國朝教諭訓導各一員廩膳生員

二十名增廣生員二十名附學生員不限額歲科兩試每次取

十五名雍正二年加增五名武生歲科併試取十五名

學田

現額三十一畝三分零坐落黃岡鋪施志新增田畝詳縣志

賓興附

賓興館即考棚公所道光十二年知縣李會庚訓導鄒聰訓生

五百〇二

荆州府志卷之二十一

學額至書院

五

員張永瀚等創置同治元年知縣廷元以修隄餘資撥歸賓興

定章勒碑五年知縣朱榮實復詳撥湖田五百餘畝詳邑志

考棚

縣試院在縣治西南父子岡舊縣志光緒四年署知縣徐人濠修

書院

崇正書院在縣西南明知縣姚隆推官吳天挺建知縣李葵修

明張璧崇正書院記夫教存乎政者也化本乎風者也實副乎

末橫亘奇拔結為一區龍蓋馬鞍回環相抱而社稷壇實據其

勝頭壇久且圯御史王公度按部圖新之又即地為講堂乃多

士慕修之所壘土為垣表以綽楔而書院成簡庠彥講肄其間

者聖賢之學也聖賢之學畫於易著於書詠於詩筆削於春秋

節文於禮難疑答問於語孟皆是道也道會諸心而見諸天下

大無外小無內中無偏平無頽天地莫遁其圍鬼神莫測其化

使人心純而一治久而安故君子重焉上以是教下以是學立

其誠修其辭善其身廣其業是故檢士無所容也邪妄無所馳也波誕之言無所售也浮靡之文無所用也奇幻之術無所施也故曰一道德同風俗是謂大同世教弛道晦弗明學者各出也見以為學守訓詰者其失拘談性命者其失晦趨功利者其失卑於文辭者其失陋學術之變乃爾欲養材行用安所得乎今聖化重熙學校滿天下顧法久斯玩斯惰惰斯荒警情要成實原教出茲院也固將為風化地哉君子論崇化之地將與兼溪嶽並峙南楚以聞於天下必自茲院始作崇正書院記

蘇林書院在訓導署左

施志

乾隆十九年知縣黃勳捐修後經知

縣柯瓊陳文樞李芝屢加整飭今仍其舊

縣志

義學附

國朝康熙四十六年知縣張登傑捐立在署左大街年久傾圮移於北門後街嗣因水圯復移至大街舊義學六所今俱廢

參縣志

監利縣

學宮

五百八十一

荆州府志卷之二十一

義學附 學宮

三

監利縣學在縣治東宋建端平三年燬元至元十三年復建泰定

三年修至正六年重修明洪武二十九年知縣張貴建明倫堂

正統九年燬於火十年知縣鄭崇重建又建射圃於學東

久成廢

化十七年知縣廖鉉增築講堂

久廢

隆慶四年知縣李克敬建啟

聖祠萬曆二年知縣李純樸移明倫堂於殿西創敬一亭於殿

北

久廢

買池塘一為泮池方廣九十六丈內有二洲號為大小瀛

洲學前石坊二教諭靳朝相建明末盡燬 國朝順治七年知

縣蔣完理重建大成殿闢東西兩廡南立戟門門左右有名宦

鄉賢二祠又南為櫺星門殿北為啟聖祠西為明倫堂堂左右

為文昌土地二祠康熙二十一年知縣程藻改建尊經閣於明

倫堂後雍正四年知縣羅綬重修咸豐十年知縣唐景泰暨邑

人朱晉哲等重修嗣經知縣王瀚查子庚陳祖心陳國棟徐兆
英相繼籌款營繕越六年告成明倫堂同治四年知縣陳國棟

徐兆英光緒三年知縣劉寶善先後率邑人重修

元孔思明重建監利縣大成殿記

學學也者有國之大典也明人倫美教化移風俗治隆平皆道
也由學以行之洪惟皇元混一海宇爰自國都迨夫郡邑靡不
建學以行其道是道不可須臾離學與邑俱廢於宋端平之丙
日監利者古漢南華容地也舊有學與邑俱廢於宋端平之丙
申復興於聖朝至元之丙子然而殿宇卑隘不足以揭虔受靈
泰定丙寅南進士伯顏帖睦爾來監是邑見而歎之遂革故
以新開隘以廣祠殿羣飛堂廡翼如邦人敬服厥後物換星移
雨凌風震頽頽朽岌岌始哉元統丙戌荆岑文應祥職教是
庠始至謁廟願瞻惕然以爲己任咨諸監縣曰政有似緩而實
急者學校是也今若此將何安監縣乃毅然捐俸以倡之邑之
義士哀金以助之於是鳩工掄材躬親不踰月間殿宇鼎新黜
侯適至下車之始協力贊成經之管之不踰月間殿宇鼎新黜
聖丹漆殊壯觀瞻邦人以爲盛事噫天生聖人所以行其道也
建學立師所以闡其教也教隆道亨洋溢四海則君君臣臣父

九

荊州府志卷之二十一

三

父子豈非格致誠正以至於修齊治平也哉然學不可廢功
不可忘勒諸貞石以勸將來罔俾僖公專美於魯遊是門者可
不勉諸監縣文事二美兼具故

明曾可前新學師修學宮記

監利稍避三舍閭形家云漢流塞而氣弗溶泮宮圯而氣弗聚
是亦足信不然何擄藻者倍於昔而得雋者弗速也斯公慨然
修舉爲剖靈助吉計遂捐俸資益以束修之費督工事備餼猶
不辭寒暑董勸之重建櫺星門飾以屏垣新建坊有三復改開
嘗讀白鹿洞賦廣青衿之疑問樂菁莪之長育而慨學校之久
廢也夫詩歌泮水誦倍公之疑問樂菁莪之長育而慨學校之久
師儒興學明經當事者率爲迂務其加理者百無一而廣文之
官坐冷氈以需月俸錢會不得贍其入口乃望於傳舍之地甘
拮据之勞則于無一今斯公有是乎國初立學擢許存仁爲博
士許宗考亭之正學至今以爲程夫厥父甚且堂構子孫未
有不享簪石之安者許博士因始謀之謀斯君實堂構之業也
立功立德並垂不朽况斯君密邇伊洛曾振鐸泗上著蘇湖之
譽是又不兼許之教乎監利固彬彬多士加意風厲以興文學
若此天時地利與人事俱相值也諸彬多士加意風厲以興文學
大有慶哉斯君名朝相河南之汜水人

胡淡重修儒學記

聖朝立綱陳紀無非法先王稽古制自京師
廣荆州府監利縣儒學鼎新重建知縣鄭崇具其本末屬翰林
修崇裝公景宜引諸南宮徵子為之記按學在縣東北殿於宋
端平之丙申復興於元至元遷闕家規制一新洪武二十七
年歲久傾圮建甯張公貴以名進士來令是邑規畫措置而重
建焉正統八年冬廟學與縣治悉懼鬱彼俱為煨燼縣令鄭公
崇自正統九年秋蒞事以來克勤治教嘗曰吾為民之師帥為
治之具存乎人施之方本諸學今廟學俱毀教從何施爰謀
諸同寅及教官僚屬各捐俸資鳩功集材次第興作先太成殿
次及兩廡戟門櫺星門講堂齋舍神厨倉庫庖廡會饌省牲之
所靡不完美復鑿類池繚以周垣創始於十年之夏落成於十
一年之春規制宏敞締構堅完不獨師生得所依歸而教法可
施則邑之士人皆得瞻仰而感化矣大凡人物之盛固繇山川
清淑之所鍾苟非教養有素薰陶有漸烏能遽能造就此學校
之設有功於世豈淺鮮哉凡人材之出必自茲始也况賢令與
師儒之表帥則勤者必勸怠者必懲教化行而風俗美矣居斯
地者尤當上體朝廷之盛意下副賢令之盛心進德修業出為
世用顯庸於時澤被黎庶是皆賢令能盡治教之道知所先務
之所致也鄭公字孟德古田人以監生出知縣和易近民慈祥
豈弟修撰裝公備道其詳故不辭而記之俾來者有徵焉

一千。卅二

荊州府志卷之二十一

學宮

三

國朝郭徽祚重修學宮碑記

余既來監利視其學之久敝弗敢
安也歲次第而修葺之乃始一
新兩岸之士有謂余功者謂茲邑科名寥寥將二十年適當
學之修而丙子已卯鄉舉得六七人非其效與余應之復不敢
以為然也則告以學之說自古聖王欲化民成俗莫重乎學故
辟雍泮宮統命以學凡為其教人所以學而已今夫立橋門瞻庭
廡而饗然於先聖先賢之位焉所以學而己今夫立橋門瞻庭
馬課習有堂焉齋焉所以重學之地也師儒倡導於上秀良子
弟率教於下而科條必嚴焉廩餼勿濫焉所以勵學之人也鄉
飲酒可以致揖遜焉二丁之祭可以觀禮樂焉季有試月有課
可以廣造焉所以學之事也然而遊於學之中則必識乎
學之要識乎學之要則必務乎學之本學者讀書考道期於立
體致用豈有外求哉亦惟明著性命之理敦修倫紀之常此則
居學之大業矣是故左圖右史夢寐有古人之思撫事規時胸
中有當焉之氣此則格物致知之學也主敬存誠言坊行表動
不媿於大庭靜無慙於屋漏此即誠意正心修身之學也由是
於君臣則義次父子則親於夫婦則別於長幼則序於朋友則
信此即齊家治國平天下之學也其始也以堅忍強毅之操力
持於艱苦繼之以可謂於學之有涵養真積之久馴致於從容中
道之樂今而後乃可謂於學之有獲已自前聖既往羣言淆亂
精一執中之旨不出人心道心之辨不明世之學者其高或浸
淫於二氏歸於無用其卑又流為訓詁詞章華而鮮實學之幾

予燈也豈非不知所務之故哉然則官牆茂草椽棟傾頽此學之敝不足為學之敝也教化不興人無自淑之行戶無可封之修此真學之敝也已廊宇幾時階砌森嚴此學之修不足為學之修也官師以教育為樂士以道自任庶民以仁讓成風此真學之修也已極學之敝又豈獨富貴哉方今聖主垂裳海隅嚮化里巷多士之榮又豈獨富貴哉方今聖主垂裳海隅嚮化美者輒得上第亦固其所然取之於言語文字而徐試其道德經濟或以國家人材之所係賢人君子樹立之有素正不在彼而在此也余故因學之修而特為推本言之以見夫所求於學之重且急者若夫茲學之屹立城北前臨湖水澄映如鑑以作泮澤實由天造地設得清佳之氣無待言者顧必謂修之此而邑中旋以科名應余不敏焉有所不敢知也

先師廟

崇聖祠

名宦祠在大成門左

鄉賢祠在大成門右

四百四十五

荆州府志卷之二十一

學宮

三

明倫堂在文廟後

尊經閣在講堂後

忠義祠在明倫堂右

節孝祠在明倫堂左

敬一亭在文廟後

射圃亭在學東

講堂在文廟後

學倉在泮池南

教諭署在崇聖祠後

訓導署在明倫堂西

師生員額

宋元明制詳見江陵縣學 國朝教諭訓導各一員廩膳生員二十名增廣生員二十名附學生員不限額歲科兩試每次取十五名雍正二年加增五名武生歲科併試取十五名咸豐十一年以團練出力永遠增額一名同治二年以捐輸助餉永遠增額六名

學田

蘆花湖新興院二處咸豐九年清查共水田八十七畝白地二十畝縣志又文廟後瑞蓮池田十二畝母家院白田三畝施志

賓興附

賓興館在大觀書院二門內左其田畝邑志未載

考棚

縣試院在親賢街嘉慶十六年知縣伍福祐建咸豐四年遭兵

燹半就傾圮同治七年知縣查子庚十年知縣林瑞枝相繼修

王柏心重修考棚記邑之有考棚也則嘉慶間任叔渠太守宰

治至咸豐四年縣署燬於寇邑侯多假館考棚然亦頽圮始盡矣前邑侯查公麗生乃延邦人士設局修造集費購材自邑麻經始而查公移任去邑侯林墨香太守至未幾邑麻落成既有鳴琴之所乃專營考棚亦相繼告竣凡為頭門一進五楹階而上東西列號可容二千人有奇案與坐皆琢石為跌其上為堂皇五楹點名給卷皆蒞馬後為衡文之室五楹庖福井竈皆具焉既歲事僉謂柏心宜為之記竊惟邑試蓋仿選舉聚邑中蒸髦三年再試令尹主其進退推朝庭之意期於士者厚且重矣豈非欲其趨正學而闕實用也哉然則士所挾持與所矚矚其道何由必也修身立行正誼明道蓄畚於經訓博觀於子史百家吐諸文詞根柢英華皆不出是以俟掄才者鑒別焉而不為浮游不根之言不蹈詭遇他岐之習則士之待已厚而視己重與上之所期適相應也名孚其實是為真儒不然則已為此榮辱所由分而區區得失特其微焉者耳且夫韋布進身安可不敬其始今者羅而萃之呈材角藝之場如登羣玉之山閱鄧林之藪也方索瑤琨而以砥礪售之方求杞梓而以構櫟應

之不亦待已薄而視已輕乎即幸而獲選由此驟躋通華凡其
高語仁義後談匡濟者人知其皆實言也故曰不可不敬其始
也也中先輩自明已爛然竹冊矣况沐浴聖朝菁莪樂育之
化且二百年磨礪砥礪英才蔚起將有蒸蒸日上者誠相與翹
正學而閣實用此日發迹之初梳即他年坊表許謨之左券也
野處之秀各敬其始勉為真儒則士且有不能勝其榮者矣是役
也董之者明經朱心齋彭丹崖劉希召諸
君子以勞且慎皆得附書邑人王柏心撰

書院

大觀書院在朝宗門內明萬曆三年知縣李純樸建順治七年

知縣蘭完理重修康熙二十年知縣程藻縣丞姚廷玉重修咸

豐九年知縣唐景皋增修施志光緒五年署知縣石宗建更名容

城書院新開

明李純樸大觀書院記余治容城之明年建書院於西北隅蓋

志召高年詢之得其故址橫入丈有五尺且倍之後積水成池乃取修城之餘土築之修學之餘材構之月餘落成堂三楹門

九百〇一

荊州府志卷之二十一

書院

三

三楹後室三楹東西齋各三楹堂之前如之厨舍咸備余登而
樂之召諸生講習其中或請其名余曰是地也吾嘗過之蕪穢
不治茅居崇沓藪乎其不足觀也乃今地基安固堂宇軒明齋
室奧遠四楹亭游之者豁日快心焉而且官河若泮百雉若
橋市廛帶雜爽塏足稱同視曩之窪下大有逕庭矣不但已也
又嘗登高而望之則見夫浩浩者大江西來也環遠周遭汪洋
滂沛波濤萬頃朝宗而去巖巖華容東山也層峯疊壁百里
走乘來青獻秀遙拱天外奚止此一勺之水尋丈之城乎是殆
古容之勝概也已名以大觀不亦宜乎客曰子之言殆為斯地
設而非所以盡大觀之義也夫達人大觀一息萬古洞然入荒
物無與伍盡天下之水不是以窮其觀奚止於長江盡天下之
山不足以竟其目奚止於東山子之見其能免於蒙莊氏之
譏乎余曰是則然矣然余之創是院也為諸士計也則願以斯
義與諸士言之夫人置之其室之中雖日衣以文繡養以玉食
弗樂也何者以目之無所見也時而窺隙牖觀景物則欣然樂
之而忘其他矣况發牖開戶從冥冥見昭昭乎又况出室坐堂
見天地之大日月之光乎又况登泰山望日觀睇四極視天都
若蓋江河若帶而萬物靡不在其中乎諸士子居斯游斯必也
脫人近而遊高明山下學以期上達觀六藝之廣崇窮道德之
淵深近稽濂溪上迓洙泗潛心聖學寤寐性真廣於江海崇於
山岳養之為天德發之為王道曠然而無不通昭然而無不照
則其所觀豈不大哉不然蔽於訓詁訥於章句塞於功利是終

乎卑陋而不足以語君子之觀矣其視斯地之初何以異哉孟子曰孔子登泰山而小天下又曰觀於海者難為水是大觀之說也諸士能勉之以無負斯義則是院也不與岳麓道林同一偉觀也哉客唯而退遂書之以為大觀書院記

義學附

社學一在縣西明正統九年知縣鄭崇建一在縣東明嘉靖二十一年知縣李時暘建萬曆二年知縣李純樸重修今皆廢

松滋縣

學宮

松滋縣學在縣治東宋建崇甯五年知縣滕琛重修元遷學宮於

縣西

即今城隍廟基

尋燬明洪武初知縣許彥盛仍宋故址建天順間

知府張崑嘉靖間知府趙連知縣楊景馮瀆

楊景馮瀆舊府志縣志職官內俱失

載未詳何時任

相繼修天啟三年知縣王繼康教諭魏國彥增修明末

五百四十九

荊州府志卷之二十一

義學附學宮

三

廢 國朝順治十四年知縣劉鎡卜地遷建歲久傾圮康熙二

十年知縣高啟鳳教諭童式度因城東舊址復建大成殿明倫

堂工未竣二十三年知縣陳麟教諭姜維周重新大成殿東西

廡殿北建明倫堂左右兩齋又北為啟聖祠祠後為尊經閣南

立大成門鑿泮池作橋跨其上翼以石欄又南櫺星門左名宦

祠右鄉賢祠更濬外泮池悉如舊制乾隆五十八年知縣張

統緒重修道光二十三年知縣姚國振同邑人龐善重修外泮

環以石欄咸豐四年知縣鍾齡同邑人趙運炳重修大成殿暨

兩廡有碑記同治六年櫺星門圯知縣呂縉雲教諭孫嘉民訓

導朱美燮同邑人趙天相等重修有碑記

宋胡瑗重修松滋縣學記

致天下之治者在人材成天下之材者在教化職教化者在師儒宏教化

莫過於三代而三代之興莫過於周大司徒以六德六行六藝
言所行者皆德行四海之遠萬民之眾若符節之令影響之隨
教化明於上而風俗成於下也故其材之成也大則可以論道
本於學校之教而已矣三代而下言治者稱漢唐然未知先王
實化之風尚黨大愿之風尚學漢之上則黨同門妒道真唐之
於教化固可知矣國初承五代之亂祖宗留意庠序之風尚怪
猶弊於俗學神考聰明睿習慨然思革其弊於是新太學立三
舍訂經義立師儒而天下學者知所從哲宗因之是淫辭息誠
命立學選貢士諸路使者提其事而督察之由是淫辭息誠行
消上下相勉興起於善而大道之文炳然與三代同風矣松滋
尹臨川鄒君明敏好學有樂英才教育之意詔下興學竭力營
之殿宇宏壯為二堂曰篤講曰議道堂分四齋為屋三十餘楹
而及面學鑿池構亭其中前為廳以講射名其亭曰觀德凡楹
豆之事在古制之所有者無一不具衣冠之用者繼踵而出矣諸
衆然從之愚將見人材之成以副國家之用者繼踵而出矣諸
生求記遂為之書

張栻松滋縣學記

乾道九年冬知江陵府松滋縣事余君彥廣

兵戈以來其鄉虛邑居固不能以復舊而又重以水潦為患論
整遷徙之餘庶事大抵苟且而學校為尤甚春秋奉祀幾無以
障風雨青衿散處莫適所依六年之秋知縣事滕君琛始聚材
陶瓦撤其故而更新之首嚴廟象備其彝器已而講肄棲息之
所亦以次舉其明年彥廣實來親帥其士者而勸程之又擇其
秀者而表厲之吟誦之聲藹如也今年秋復命瑩工結密其地
自廟而及門又加黜聖之飾於其棟宇用釋萊之禮以告其成
自惟小邑寡民不敢為勞費第積其力時而為之故與滕君相
繼四年之間而後訖事願不鄙為之記以風示邑之士庶幾有
以作興焉栻念今之為邑宰者急以簿書期會之報詳於追胥
督責之事則云舉其職矣有能慨然於荒寒僻遠之區留意教
養如二君之相繼者豈不可貴哉而余君且將求其說以作興
其人才願雖文字荒陋有不得辭也則為之說曰先王之教其
大旨見於孟氏之書曰學則三代共之皆所以明人倫也又曰
謹庠序之教以盡民之性是以孝悌之義是知學校以明倫也
以孝弟為先蓋人道莫大乎親親而孝弟者為仁之本也古之
人自冬溫夏清昏定晨省以爲孝親而孝弟者為仁之本也古
是事無體是心在吾仁之中孝弟之道有不可勝用者矣試以
無一物不在吾仁之中孝弟之道有不可勝用者矣試以驗於
邑之士孰無事親從兄之心乎誠能相與勸勉朝夕講磨以從

事乎此然後知人倫之際盡其道為難而學之不可以已也士
之從事於此則夫風聲氣俗之所及間里小民亦將視効而知
勸畏威而寡罪以樂趨於淳厚之習然則顧不美與嗟乎是乃
先王建學之本意余君今日之所望於多士者宜莫先於此也
遂書以寄之瀆
熙元年正月

項安世松滋縣學記

學制之可見於書者自五帝始其名曰成
均說者曰以成性也然則有民斯可教有
教斯可學自開闢則既然矣有虞氏始即學以藏棗而命之曰
庠又曰米廩則自其孝養之心發之也夏后氏以射造士如行
幸嬰相之所言而命之曰序則以檢其行也商人以樂造士如
夔與大司樂所言而命之曰學又曰瞽宗則以成其德也學之
音則校校之義則教也蓋至於商又曰瞽宗則以成其德也學之
人修而兼用之內即近郊並建四學虞庠在其北夏序在其東
商校在西當代之學居中南面而三學環之命之曰膠又曰辟
雍郊言其地璧言其象皆古人假借字也其外亦以四學之制
參而行之凡侯國皆立當代之學而損其制曰泮宮凡鄉皆立
虞庠凡州皆立夏序凡黨皆立商校於是四代之學達於天下
夫人而習聞之故今百家所記參錯不同者無他
皆即周制雜指而互言之也後闕見文獻通考

先師廟

五九四十五

荆州府志卷之二十一

學宮

三

崇聖祠

名宦祠在櫺星門東今在大成門東

鄉賢祠在櫺星門西今在大成門西

明倫堂在教諭署前

篤講堂知縣鄒永年建久廢

議道堂知縣鄒永年建久廢

忠義孝悌祠在學宮前

教諭署在崇聖祠左

訓導署在文廟東

師生員額

宋元明制詳見江陵縣學

國朝教諭訓導各一員廩膳生員

二十名廩生員二十名附學生員不限額歲科兩試每次取十二名武生歲科併試取十二名咸豐九年因捐輸助饒永遠各二名同治六年因捐輸助饒永遠增文武學額各一名

考田

舊額基地一段共計四畝零

久荒增置田畝詳縣志

賓興附

本邑向無賓興每逢鄉會試寒士艱於資斧應者寥寥道光壬寅邑人黃觀察士瀛捐俸千緡為倡同里劉謝兩觀察各捐千緡城鄉好義者亦量力捐助置買韓家坑民田二十一石八斗又木天河民田一十三石五斗咸豐丙辰南鄉謀逆勦滅後清

三百八十六

荆州府志卷之二十一

學田至書院

三

出逆產請知府唐際盛歸入賓興通詳立案鄉試各給費十餘緡會試合給費五十緡拔優貢入都朝考各給費三十緡

考棚

縣試院在縣治東門內

書院

義學未建故不附志

山谷書院在縣東元傅瓊建今廢 國朝乾隆四年邑令艾恩隆捐建改名山谷精舍咸豐十年圯於水邑令汪維誠籌款重建更名鳴鳳書院

枝江縣

學宮

枝江縣學在縣治東南明洪武初建城東沙陀市成化十七年遷

城內小西門宏治十六年知縣蔡文卜地移建萬曆二十六年
知縣周仲士遷縣治西崇禎十三年知縣胡鳴岡請於巡道王
永祚知府王觀光大學士楊嗣昌又遷於城內福傳山十六年
燬國朝康熙三年知縣周廷桂建修大成殿明倫堂暨齋二
於堂南曰進德修業二十四年巡道祖澤深捐修兩廡廟四
十二年知縣孔毓基以文廟北向非宜遂遷建縣治東南明統
江千戶所舊址中為大成殿北為明倫堂殿南為東西廡堂南
為東西序又創啟聖祠文昌閣南立戟門門左右為名宦鄉賢
二祠前有泮池園橋外為櫺星門五十八年知縣任直修雍正
二年知縣陳惠榮十一年知縣傅琛相繼修乾隆四年知縣王
世爵重修施志五十八年知縣汪雲銘補修嘉慶七年知縣蔣寅

六百九十七

荊州府志卷之二十一 學宮

奏

重修大成門及兩廡後大成殿圯嘉慶二十五年知縣黃臺謀
重建邑人李靖祥捐金獨修咸豐二年知縣朱啟鴻與邑人張
一芝籌修廟中禘七十洙邑人楊澤溥植縣志大成殿櫺星門啟
聖祠節孝祠知縣孫承謨籌修

宋項安世枝江縣新學記

古者周天子之居民也不但天子諸

學莫尚於斯矣方是時建官三百六十以張備法而紀眾民視
其中無一事無法者而獨於建學無制則其吏非應文也無一
民無養者而獨無粟士之廩則其士非為養也而上下顧交趨
之如藜藿飲食然則必有不可捨焉者矣天子之學謂之辟廱
班朝布令享帝右祖則以爲明堂同律候氣治厯考祥則以爲
靈臺諸侯之學謂之泮宮大師旅則將士會焉大獄訟則吏民
期焉大夫祭則始禮享焉蓋其制皆於國之勝地披水築宮爲
一大有司國有大事則以禮屬百官羣吏下民而講行之無事
則國之耆老子弟游焉以論鼓鐘而修孝弟其地尊其禮大三
百六十官皆不得治其事意者三公之老而致仕者掌之謂之
鄉老二鄉而公一人則六鄉蓋三公矣故曰三公在朝三老在
學公與老皆無職於六官學序庠塾皆無制於六典古之言道

者固如是也嗚呼此意深矣後闕見文獻通考又古之為泮宮者其條理不見於經而有詩在焉予嘗反復而推之其首三章則言其君相之相與樂此而已自四章以下始盡得其學法自敬其德而至於明其德明其德而至於廣其心廣其心而至於固其道終焉此則學之本也自威儀孝弟之自修而達於師旅獄訟之講習自師旅獄訟之講習而極於車馬器械之精能此則學之事也自烈祖之鑒其誠而至於多士之化其德自多士之化其德而至於遠夷之服其道此則學之功也後闕見文獻通考

先師廟

崇聖祠

各宦祠在戟門左

鄉賢祠在戟門右

忠義孝悌祠

教諭署在學宮左

乾隆十三年教諭張錫密捐建十八年教諭左梅增建

三百四十四

荆州府志卷之二十一

學額 學田

七

訓導署在學宮後

乾隆二十一年闔邑公捐訓導王葵基監修

射圃在沙沱市久廢

師生員額

宋元明制詳見江陵縣學 國朝教諭訓導各一員廩膳生員二十名增廣生員二十名附學生員不限額歲科兩試每次取十二名武生歲科併取十二名咸豐八年永遠增文武生員各一名同治五年又各加一名

學田

現額漏洲田九十三畝七分三釐南岡坪田八十三畝洗腳溪田八十四畝灌嘴灘田四十畝新增望城岡田一分南北山四

座縣志

賓館附

賓館在迎暉門南其田畝詳縣志施志道光七年邑人歐陽載

鼎妻袁氏捐置舊在西關外道光三十年知縣朱啟鴻移置迎

暉門內縣志

國朝楊孫謀捐縣試卷結鄉會賓興義田碑記丹陽舉賓興與

也然鄉會試非自縣試來者獨怪賓興曠典通都大邑往往
盛行而縣試為鄉會階梯概置不問董難歐陽載鼎妻袁宜
者首創義舉施田三百畝有奇歲入稅租即充文章縣試卷費
餘仍歸賓興並以是莊房宇作賓興館俾春秋祖餞得所棲止
意至厚謀至遠也吾聞亦罕矣詢之宜人胞兄袁紱始知宜人
蓋行不可勝紀而是舉則承其夫志邑侯謝贈以利普士林額
豈溢美哉猗歟此日縣試不轉瞬而
鄉會試節其人矣宜人之德大矣哉

考棚

縣試院在丹陽書院左施志道光四年知縣蔣祖暄邑人閻徽五

七百八十三
荆州府志卷之二十一 賓興附 考棚 亥

等捐資建修縣志同治十一年知縣陳善寅移建於武廟後

國朝謝丕績閻氏創建丹陽試院碑記自科日興而試士之地

督學使者歲科試皆有貢院制度不必一大率皆規模闕
統嚴肅以為士子進身之階而士子進身自童子試始試童子
者學使於貢院郡試暨首縣試亦借用之外州縣向無試院事
屬創始敏費為難費集矣委任不得其人亦猝難告成余自丙
戌春作宰是邦將課士以觀一邑風都人士曰有試院在闕子
福堂所鼎建者先是粵西蔣晴山官茲土倡建試院將謀諸
士中之好義者闕子慨然以一身任歸而白諸兄星槎星槎
其堂兄慎菴從堂兄華易建齋皆欣然助之且為經營區
畫於其間甫落成福堂曰是諸兄之力也用是署諸兄名於梁
而已不與工既竣蔣公將上其事於大憲以聞於朝慎菴等
咸曰是福堂弟之志也願據實報聞以成其志呼若閻氏昆仲
者可以為難矣夫一邑中非常盛舉惟有財者能成之有財而
不好義與無財等故夫成盛舉者成於有財實成於有財者好
義之一心抑又思之凡成盛舉每爭盛名似茲之爭先赴公交
相退讓務其實不務其名斯真能以好義者哉呼若閻氏昆仲
以為難矣爰述顛末勒諸貞碑以為後之有財而好義者勸

查子庚閻氏重捐試院田碑記安得廣厦千萬間大庇天下寒

素封甲第逾樊重大宅過周瑜於馬白屋延英朱門養士俾
好施者類能為之無足異者若少陵以餓殍餘生漂泊蜀江
草堂之資且有待於將伯顧於秋風破屋中深念八百孤寒無
以爲一椽之庇謂非古聖賢之用心與後世氣俠自矜者大相
逕庭乎茲乃於閣氏復見之閣氏之爲試院也創自福堂昆弟
前令謝公疑麓敘其事勒諸石當其時舉族雖豐於財以言錄
富則未也乃不惜數千金成此笑兀之觀寒峻入試者重亢環
人任一木支大厦直以公事爲家事不啻堂構之相承也爾乃
四十有一年矣咸豐庚申歲水決城闈試院當其衝敗瓦頽垣
過者太息時閣氏家方中落更值祝融之厄一旦高閣華屋俱
付劫灰廡賃伯通宅割邱成簷宇寄人曾不能自謀棲息於試
院何有哉然而移山愚叟遠誓子孫填海冤禽苦銜木石精誠
一往頂踵不辭吾於福堂叔姪昆仲有取焉去夏六月翰鄉丹
溪述福堂言來告曰試院若此衰門又若此余羈宦山右無能
爲役某等具在忍時其敗乎幸有先疇畎畝歲養租六十石舊
爲屯田設也今糧艘停運函商堂兄遠亭堂姪霽峯俱願鬻穀
積累卽以此爲歲修資云云余廉察其實誠屬德門私產亦爲
此日聞田遂判歸試院以成其志且夫試院非閣氏之宗祠與
其家塾也當創修之始閣氏若不欲爲固莫敢強也及增修之
日閣氏實不能爲尤莫之責也願乃專任之豈始終任之其任

荆州府志卷之二十一

考棚書院

三

書院

丹陽書院在學宮左施志乾隆四十年知縣秦武械建明道堂三

楹麗澤軒三楹前後左右齋房道光四年知縣蔣祖暄於麗澤

軒後增建上房五楹左右齋房各二楹縣志同治十三年因水圯

知縣徐光熙重修移於考棚側

白水書院在縣西三里元拔都抹溫司建今廢

國朝吳省欽丹陽書院碑文選一郡邑之秀肄誦於一區設之師曰山長月有課日有虞此古黨

庠州序之遺凡郡邑之大夫舉而措之裕如也然薄者期會之
故或不暇以為為矣而力不繼則不如其不為而又無與於三
載之考陟故有書院之郡縣什不過三四焉枝江東漢侯國後
為縣以江沱支分東入大江為之名曲沃秦君武域作宰是邦
政通人和建丹陽書院一區齋曰種學曰續文曰學古訓曰通
世務軒曰麗澤堂曰明道費不下千餘緡皆以身侶率而自為
文碑其堂其大旨言道之明不外父子兄弟朋友而上之達於
君臣復屬予記其概曰史記成王封熊繹於楚蠻胖以上之達於
田姓羊氏居丹陽自是以還以丹陽為在稀歸東南者章懷也
以為南郡枝江縣者徐廣也以為南郡枝江縣故城者張守節
也以為枝江侯國本羅國有丹陽聚秦破屈母取丹陽即此者
劉昭也以為楚都丹陽為今秭歸後徙枝江亦曰丹陽諸侯遷
都常仍舊名故有兩丹陽者杜佑也而班固漢志言丹陽郡丹
陽縣楚熊繹所封十八世文王徙郢以揚州之丹陽為荆州之
丹陽其誤特甚蓋楚武前有兩丹陽猶楚武後有三郢皆以所
在何時至丹水有七見於漢志及水經者出上維縣豕領山東
南流歷倉野菟和山出武關又東南浙水注之又遷三戶城逕
丹水縣故城西南又南逕內鄉縣故城東北又東歷於中之北
皆商於地也其合洧水入漢處謂之浙口亦曰洧口是水為秦
楚間一大川呂覽堯有丹水之戰以服南蠻殆指是水水北曰

荆州府志卷之二十一

書院 義學附

學

陽故楚始都名丹陽劉昭以丹陽聚為破屈句處豈并屈原傳
所云破楚師於丹淅虜屈句盡取楚漢中地者而忘之耶故因
茲院之名丹陽而扶其異同若夫種學績文學古訓通世務之
方集麗澤之益以明道君之言固已深切矣予又何言之有
楊孫謀重修丹陽書院碑記 書院自省而郡而縣廣教化興人
如郡郡不如省亦勢使然也惟枝江丹陽書院極大觀焉創修
自前任秦邑侯其題額隸楷至今猶存爾時有貢生胡珩捐助
四季增膏火田一百餘畝文教藉以振興歲甲申蔣邑侯觀邑
人士捐貲復於麗澤堂後增修庭室及東西廡約費千餘金其
存留者尙得四千餘金概付質庫生息不惟膏火益足並實與
之典亦舉於是邑之人望課院無虛日矣邑侯謝特董其成嚴
章程廣賞賚鼓舞獎勵勸為他邑所未有人文之興於郡於省復
何所讓邑人士不忍忘前後邑侯之澤也請壽其德於硯而謝
邑侯亦不欲沒邑人之
勞也屬鐫其績於石

義學附

舊在正街西 國朝乾隆二年知縣李恂建今廢
社學一在大東門外一在洋溪一在草埠一在董灘口明嘉靖

中知縣董燧建今俱廢

新建社學在馬家衝邑人馬士烈置縣志

增置義學一在本城考棚側一在洋溪一在江口一在董市光

緒元年知縣徐光熙建新册

宜都縣

學宮

宜都縣學在縣治東宋乾道中建元燬明洪武五年知縣郭魯道

因宋舊址建永樂九年知縣劉智創櫺星門宏治十四年知縣

李麟修廟學嘉靖間知縣姚瓊建尊經閣今廢二十六年知縣陶

歸文重新大成殿殿東為啟聖祠萬曆十三年知縣張思中建

東西廡敬一亭久廢大成門外為名宦鄉賢二祠更樹興賢育才

二坊於學宮左右久廢二十六年知縣王之棟濬泮池構文昌閣

建大成坊於櫺星門外久廢四十四年知縣陳邦宦修戟門圍

橋崇禎十一年知縣王繼勳建大魁閣久廢國朝康熙四年知

縣葉代生教諭李上苑建大成殿東西兩廡從殿左角門折入

為明倫堂旁置東西兩齋曰博文約禮今廢又立戟門櫺星門亭

廡祠閣咸撤舊而新之二十四年巡道祖澤深捐修三十六年

知縣劉顯功增修施志嘉慶十二年知縣魯鼎修二十五年重修

兩廡道光十七年知縣劉世葆教諭饒玉振田發統重修二十

六年知縣侯裕經教諭江樹棠訓導程光振重修大成殿咸豐

四年知縣吳宗邦教諭陳啟華重修崇聖祠同治二年知縣徐

有季教諭詹有筠訓導汪陶重修四年兩廡神主盡易楠木縣志

明張居正重修宜都縣學記

庚戌之春余用侍從請告歸故郡

舊有學也歲久浸敝薦紳先生學士大夫遊其中者咸思以新之而未能嘉靖乙巳會稽陶侯來守茲土大濟則間以是謀之侯慨然曰是在余矣會大雨江水溢巨木浮江而下取以爲材省費之什二乃爲堂爲廡爲祠又置學田五百餘畝以繕祭器給師生之廩祿自他舊制有不當於人者侯皆一新之於是百年之廢一朝具興厥功茂焉乃大濟與諸生則願以其事紀之於石以垂不朽史張氏乃言曰余聞之孔子道之以政齊之以刑民免而無恥傳曰如欲化民成俗其必由學乎信哉是言也夫法令政刑世之所恃以爲治者也言道德禮義則見以爲希闊而難用然要其本則禮禁未然之前法施已然之後法之爲用易見而禮之爲教難知古之王者立大學以教於國設庠序以化於邑皆所以整齊人道敦禮義而風元元也今議者不深維其本始驚爲一切之制以愉快於一時夫教化不行禮義不立至於禮樂不興刑罰不中民將無所措其手足當此之時雖有嚴令繁刑祇益亂耳烏能拔斯敗乎由此觀之道民之術在彼不在起也宜都環數里以爲邑處僻遠之區吏復不能加意以振起士習數十年學益落然陶侯一觀而思奮延及齊民亦無不被服於德教者此其轉移化導之機蓋有不言而風行者矣故上之化下猶影響也何必政刑子之武城聞絃歌之聲而

荆州府志卷之二十一

學宮

聖

喜之豈爲一絃歌足以治武城哉在道化民漸漬以禮樂而孔子取焉故曰君子學道則愛人也若陶侯所謂君子者非耶雖然人知陶侯之功矣猶未悉其深意自孔子沒微言中絕學者溺於見聞支離糟粕人持異見各信其說於是天下修身正心真切篤實之學廢而訓詁詞章之習興有宋諸儒力詆其弊然議論乃日以滋甚雖號大儒宿學至於白首猶不殫其業而獨行之士往往反爲世所笑嗚呼學不本諸心而假諸外以自益祇見其愈勞愈敝也矣故宮室之敝必改而新之而後可久也陶侯不憚改作以新宜都之學宜都之士亦必不憚去其舊習以自新其學繼自今倘有闕聖人之官牆而升堂入室者詎知非吾言啟之與

先師廟

崇聖祠

名宦祠在大成門左

鄉賢祠在大成門右

節孝祠在鄉賢祠側

忠義孝悌祠在學宮前

教諭署在學宮右

訓導署在教諭署右

師生員額

宋元明制詳見江陵縣學 國朝教諭訓導各一員廩膳生員二十名增廣生員二十名附學生員不限額歲科兩試每次取八名武生歲科併試取八名文學因助饗永遠廣額四名

學田

原額田六百餘畝地二百餘畝明知縣陶師文捐

賓興附

賓興館在試院左咸豐十年移建文昌宮於迎薰門內乃以舊

四百五十六

荆州府志卷之二十一

學額至書院

聖

文昌宮改置焉道光十五年知縣郎汝琦募捐銀八百兩存典生息給與鄉會試士子路費

考棚

縣試院在縣署左道光八年知縣郎汝琦孫天樞相繼創修

書院

清江書院在清江北白洋驛後元人文璋藏修之所明正德間邑人向文璽因舊址築室三楹知縣江朝宗題曰北山書院歲久傾圮嘉靖二十六年知縣陶師文改建於學宮右易今名萬歷二十六年知縣王之棟重修更名曰青雲館明末燬 國朝移建迎薰門內年久坍塌咸豐十年知縣徐有季教諭詹有鈞訓導汪陶撤新之其田租詳縣志

三臺書院在預備倉之南明嘉靖元年知縣姚瓊建題曰青峰書院萬厯間知縣許夢熊改今名後圯

義學附

義學一在城南一在城北明嘉靖二十八年知縣陶師文建

施志

崇古義學在城內大甬壁同治四年添設義學二曰薰南在南

關內曰燕棲在燕子巖

縣志

社學一在灣市鎮一在紅花沱一在虎腦背一在白洋鎮明嘉靖二十八年知縣陶師文捐建